

四庫全書存目叢書編纂委員會編

齊魯書社

四庫全書存目叢書

集部
第一四八冊

責任編輯：孫言誠 賀 偉

ISBN 7-5333-0615-5



EB43/10

四庫全書存目叢書·集部一四八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 44.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一四八冊目次

集部・別集類

穀城山館文集四十二卷(二)

〔明〕于慎行撰
北京圖書館藏明萬曆于緯刻本

.....一

龐眉生集十六卷

〔明〕于慎思撰
運城市圖書館藏明萬曆二十七年于氏刻本

.....二七八

玉恩堂集九卷附錄一卷

〔明〕林景暘撰
浙江圖書館藏明萬曆三十五年林有麟刻本

.....四三〇

穀城山館文集四十二卷

(二)

〔明〕于慎行撰

北京圖書館藏明萬曆于緯刻本

附《四庫全書總目·穀城山館

文集四十二卷》提要

穀城山館文集卷二十五目錄

明累贈資政大夫吏部尚書前刑部王事

胥峰先生陸公墓碑銘

明故奉政大夫戶部郎中堯麓劉公墓碑

銘

明故中憲大夫太僕寺少卿觀海劉公墓

碑銘

明故大中大夫陝西布政使司左叅政壽

峰趙公墓碑銘

穀城山館文集卷之二十五目錄

乙

三〇五

明故朝議大夫山東都轉運鹽使司同知

管兗州府河工事念山蔣公墓碑銘

明誥贈通議大夫河南按察司按察使臨

溪王公合葬墓碑銘

香山寶燈禪師塔銘

明故太子少保都察院左都御史贈太子

太保葛端肅公神道碑銘

明故中憲大夫都察院右僉都御史西樓

謝公神道碑銘

明詒贈通議大夫都察院右副都御史前

歷任知縣介菴王公神道碑銘

明故誥封中憲大夫都察院右僉都御史

前登昌府通判節齋魏公合葬神道碑

銘

穀城山館文集卷之二十五目錄

二 七十五

穀城山館文集卷之二十五目錄終

穀城山館文集卷之二十五

東阿于慎行著

門人郭應寵編

北海董可威

天中李時穀校

都門李本緯

男于緯重梓

明累贈資政大夫吏部尚書前刑部主事

胥峰先生陸公墓碑銘

平湖陸氏吳越間世家也唐為宣公贇宋為樞

密副使旋吉靖獻先生正國初為徵士宗秀永

樂中輪租振貸詔表其間徵士生珪兄弟四人

穀城山館文集卷之二十五

一 七十六

皆以有行賜爵召宴闕下珪生程鄉知縣贈都

御史銀銀生南京光祿寺卿贈都御史淞世德

益顯所仕及其里人皆尸祝之光祿公配曰王

太淑人舉五子一工部尚書杰二刑部司務棐

三贈禮部員外郎槩五南京吏部司務集四則

胥峰先生先生諱果字元晉居近胥山嘗以自

號是生四子亦皆舉科第為吏今尚書公其長

也先生生六七歲疑重如成人長從諸生學誦

傳於文辭一再試不錄輒走之墓所伏讀明其

配沈淑人母以家累相關嘉靖丁酉舉京兆高第辛丑成進士授刑部雲南司主事出理漕刑用執法不阿與總漕大臣意異大臣以它故罷口語居間先生亦自罷也曰幸得奉先人丘隴砥修禮訓以式鄉閭何爲不若一官然是時尚書兄弟皆已有聞矣先生孝友篤至過絕常人居光祿公喪哀慕泣血糝不入口者六日仲兄爲諸生以小禮得過學使將削其籍朴之先生從童子試入而伏地號哭以請學使感動遂謝

豫城山館文集卷之二十五

京

罷仲不問仲長無子欲先生少子爲嗣淑人難之先生曰豈以兒女子私愛而使兄失丞嘗尋以子仲生平輕財好施自昆弟故人內外宗黨無不受其賜者常以生日集諸長年爲會分粟帛問遺其家尚書兄弟既貴又各出秩金佐先生施予若以聘幣惟所命毋敢後於是復大宗景賢祠買田八百以贍族之婚喪老疾貧而學者謂之族田修小宗世德祠買田五十以供禴祀謂之祭田置塾講業族里之子弟羣焉買田

二百以給稍稟謂之學田謂宗屬日繁更徃不任也買田三百以代過更謂之役田而先世諸祠在他郡邑及外王父母婦翁沈先生墓皆隨所在修築置田以守而先生所分予諸子名田總之不覆是也歲首會祭先祠召前子弟勉以孝悌即有不率輒挾而記之以故陸氏之宗皆馴謹有文盡先生所化導云又念里俗澆敝與二三大夫講行鄉約里少年亦有所化不敢爲非吳興諸公爭誦其義自謂弗及也爲夷內訂

豫城山館文集卷之二十五

三

東

當事用先生議大城平湖寇來不能上里人愈益德之然先生所條畫兵事猶多弗能盡用也平生好遊迹多在山水間嘗倡士民建塔當湖以爲城標因築堂其旁命曰明心峰曰五老磯曰放魚尚書歸侍又亭其上曰悠然先生樂之暇則爲行窩西湖芰衣桂楫漁釣其間至輒忘反而東南會稽天台諸名勝亦皆有屐跡矣嘗自稱赤松道人一日汎西湖歸榜其室曰赤松入定所趣褰衣沐浴顧大兒至未吾歸矣蓋其

時尚書被召北渡江心動卽日夜還走及飯舍
焉人以爲孝感萬曆乙亥四月二十一日也
生弘治癸亥二月九日得年七十有三歲
尚書郎禮部滿考當嘉靖丁巳先生封禮部郎中
再起當萬曆戊寅覃恩贈大理寺卿再起當
甲申以佐天官滿考贈吏部右侍郎今再起爲
吏部尚書滿考受錫更進先生爵矣子男四長
卽尚書名光祖次舉人光裕次陝西提學副使
光祚嗣禮部公次舉人光宅嗣刑部公女三一
適序班包杞一適舉人陶九韶一適舉人趙邦
秩孫男若干基忠官生基恕基志尚書出基道
基達二舉人出基誠基讓學憲出基仁基侃基
某四舉人出尚書以其年月日奉公葬菁山之
墓與淑人合走使都下使行書其阡石行魯之
鄙生未嘗得交海內長者然竊聞陸氏故以名
家茂族雄於江左世有明德用能受寵祿於天
燕及孫子至於先生益光而大之觀其慕義好
修惠訓不倦有柳河東范文正之風重珪璫

焉奕當代豈虛乎哉古之君子出則樹勲伐於
世居則化其邦族故能享有榮名施於後裔先
生以大用遺厥嗣人而身藏其器爲士矜式出
處之道可謂兩得者與旣載其行事乃作銘曰
粵陸之先聲故吳豐勲華閱鏡八區逖哉唐
貽詰謨歷世二十德不渝正獻以下食胥湖重
珪襲組美且都畫轡丹轂夾道隅峴山片玉稱
鉅夫瑰意奇行與世殊一試而韜意泊如糾宗
化里德訓敷用恢於家大厥間桂叢兢爽耀帝
衢冢君翊聖協昌符斟酌珠斗幹玉樞公乎燕
翼樂只且玄宮載考臨上臆豐碑琬琰鐫以朱
皇三錫命耀地輿內史銘德視世模山高水脩
天壤俱衆者必式過則趨

明故奉政大夫戶部郎中堯麓劉公墓志
銘

戶部郎中劉公者充之東平人也諱爾牧字成
卿其先青州諸城人曾祖海徙東平三傳至尚
書公諱源清嘗爲江西進賢令會逆濠及南昌

使客略定諸邑尚書公大感憤局家人於室環以積薪而身率吏民逆戰殲其二渠濠乃大沮則與王文成公犄角江上卒敗禽濠江右談進賢勦節與孫許二公並也語具國史累擢至兵部右侍郎隆慶中追贈尚書今稱尚書公云尚書公踰四十而元配李淑人無子以張安人助遣安人夢垣壞而金魚出則誕降公七日而安人沒鞠於淑人公生而狀貌魁奇豐順踈眉目天資殊絕數歲受書日記萬餘言而器度凝重

穀城山館文集卷之二十五

六

不與羣兒伍尚書公異之數爲說史傳所載古人行事公輒解其指曰我能爲之年十餘歲居淑人喪三日不食百方誘之乃食總角列諸生有名嘉靖癸卯舉山東省試尚未冠也其明年甲辰舉進士高第授戶部主事公雖少貴而練習吏事以才伏一時往諸邊計臣召買芻粟率多爲之額或限至千萬乃報大賈操其重輕稽帶市物使價踴貴而儲不給公理遼左軍餉令粟自十石芻自百束以上皆得開報卽中貴大

豪不禁兩月而竣有美術焉再轉山西司郎中兼攝廣西司事廣西司者主供奉內廷而山西主餉九邊公兩任之裕如也其時西苑建醮費以鉅億公數以帑藏空詘聞卽詔所徵發常得減十二三至邊臣請乞又計所費與鉤校令出入相當乃已邊大臣憚之然亦以此賈怨矣甲寅京師私錢盛行民多煩費公疏奏錢法之壞由賈人乘時射利以權細民今欲使私錢不行則莫如出御府陳藏制錢賦吏士廩祿而使銅

穀城山館文集卷之二十五

七

官益鑄以足用誠令京師內外非制錢不得貿易則一切缺薄惡錢如榆莢鷺眼之類可毋禁而止也 上善其策行之在部八年榷會稽核出納明允方大司徒器之獨公所草奏無不當大司徒指他子部署上皆與公計之諸郎則稍不堪目爲都郎中而嚴相子世蕃又令其舍人占西北邊鹽侵牟重利請公從中爲地公謂鹽法本以濟邊必不用縣官公課而殖權貴人私因奏核鹽課上諸牟利者各世蕃舍人在焉

嵩不知也而可其奏罷之世蕃恨公則嗾其黨御史甲論公變亂錢法使小民無所資藉及裁

損祠之費不助君父祝釐無人臣禮奏上

世蕃不悅而公又嘗減中貴人供費中貴人暨擢王本皆有寵用事則從旁偶語中公於是詔錦衣逮郎中闕下榜之百奪爵還里方大司徒惜公甚爲遣醫調護得毋死而歸見尚書公尚書公曰固也吾固已日夜望而歸矣蓋公以才見任尚書公則私憂之而又喜其有大節

蘇城山館文集卷之十五

八

自樹故云公爲人端慎好禮容止甚壯才識鋒敏議論忼慨有志功名天性澹泊無所嗜好惟篤學慕古宅心道秘嘗從歐陽宗伯講性命之學毅然以聖賢自期而又上下千古力爲文詞罷更家居杜闢下帷披閱典籍自旦至夜手不釋卷里人罕識其面尚書公居職廉卒日家無餘貲公爲吏益匱又多以推予二弟自取其猶以是門庭寒素一如諸生家居餘十三年足迹不至公門毋論故人親知或敢以請謁汚公耳

卽子弟更從亦不祈官爲寬假也郡故雄鎮多鼎族用奢詡相高而公以卿子朝吏惟一二蒼頭犢鼻擁簞出饌食客毋過數語客咸慕公亟見焉當世廟末年東省兩臺疏薦公至十

餘上六司空朱公尤推轂之隆慶改元廷臣奉遺詔舉故建言諸臣首以公名奏會有他故未卽召而公卒矣其後三年廷臣復以公父子請有詔贈尚書公賜之祭葬而復公郎中如故又以尚書舊廕官公子國損爲太學生始公兒時

蘇城山館文集卷之十五

九

尚書公滿三品公最長當廕而尚書公有孤弟子憐而欲官之則試語公兒子何欲卽欲受廕廕汝卽學經自致廕叔氏兄公卽曰兒願受經請任叔氏尚書公壯之卽任其孤弟子頃之孤弟子不祿法當補廕而會尚書公罷莫爲請至是所司核其狀上故國植廕焉蓋天道也公生嘉靖乙酉某月日卒隆慶丁卯某月日得年四十三歲所著有使遼集使楚奏議分曹奏議分類百家小說星命鉤玄及詩文類稿若干云其

爲文沉浸與雅取裁西漢至所自稱說以爲古
之作者必本原六經乃得成業當代惟崔祭酒
爲近詩則贊寄陶柳神合建安蓋東方名能詩
者這李諸公以往公最爲雄馬配趙氏勅封安
人壺範甚修自公沒足不下堂者數年郡守吏
賢而存問之其後以子貴再封太宜人云男一
卽國楨授戶部照磨遷上林監丞再擢中軍都
督府經歷誠愍文雅能世其家娶李氏封宜人
孫男三承安承芳承志公沒十有一年而經歷
穀城館文集卷之十五
十
君仕爲內吏則歸葬公於尚書公之兆田御史
大有銘之蓋又七年而經歷君官益進再受策
書乃樹碑墓左以昭示公之徽烈而徵文於行
行往爲諸生固從公遊蓋平生所見賢士大夫
文學質行不愧古人如公僅僅一二中心嚮慕
之誠樂爲撰述志行以詔來遠矧有經歷君之
請然公隱約日久又耻自炫耀故其書未出誠
有大雅君子取而傳之令操觚之倫有所程法
當與日星不朽而故同時長老則謂公濟時才

也令得究所欲爲當慨尚書公之業而大之
第稱其文已已耳然不盡其用而阨阨而不
起豈非天耶銘曰 岱西之缺羣峰所究汶帶
其要清濟則右厥壤可遊氣鍾以茂越有名卿
是開華胄烈烈名卿維右司馬孤忠竒績格於
上下公實克承爲世大雅文則枚鄒才維晁賈
厥清如玉而直如弦出以道見隱以言傳才溢
於位德周於年彼蒼何心數則使然相彼周原
有阡廬瞻公宮其中厥封負斧不朽者三與此
終古我銘則鑄永示民矩
十
明故中憲大夫太僕寺少卿觀海劉公墓
碑銘
吾郡以隆慶戊辰舉進士者六人而滋陽劉公
嶧陽賈公與予仕長安最久尤相善也後十餘
年予請告里居劉公從長安謝罷歸過穀城山
間予追之道左揖與語別去又後三年予校士
南都返過郡城哭公於第矣二十年中浮沉聚
散曾不一瞬悲夫賈公已銘公納諸其藏予亦

何忍無辭乃以郎君之請述而揭之墓曰公諱
不息字體道兗州滋陽人也曾祖以下世有隱
德父贈給事中麟以諸生早世母王太孺人未
三十寡居公年五歲二弟愈少家更中落有田
三百索之力役不自食也太孺人夜績晝織廢
一於金甌廢一於幣修公年十七補諸生文詞
閎雅試輒居右而數黜於闈至隆慶丁卯乃以
春秋舉省試明年遂成進士予與賈公嘗謂公
曰君覽楚濟南道上石城磷乎公聽然曰但不
麟城山館文集卷之二十五
十二
麟長安道上石耳蓋賈公與予數詣南宮而公
一試輒第故云已予與賈公皆選爲吉士而公
令賈抵寶坻者京兆劇邑民力罷極而稅多逋
太宰蒲坂楊公以爲公才可任也至則相賦役
緩急爲催科法民無負責有豪扞罔吏不敢問
輒取而法之羣奸屏迹寶坻大治部使更譽諸
朝已以武清困敝請調公往寶坻吏民千餘人
詣闕奏留當事不能奪也具其狀上詔以令還
寶坻辛未朝正月少師新鄭高公攝部請以故

事旌守令尤異者以風四方得公等十餘人召
賜白金文綺宴之南宮時曠典初舉郡國上計
吏雲集闕下相與指顧美之令僅二年餘即召
拜戶科給事中後以卓異褒者皆不及也明年
壬申奉璽綬封周藩報命稍遷禮科左右會
今上卽位蒲坂楊公復掌天官以公爲吏科都
給事中屬連歲大計內外吏公皆以職事居間
所條上便宜及糾舉官邪皆關大體鉤校名實
不避與貴申戊戌入闈分校與太倉王公同經號
麟城山館文集卷之二十五
十二
多得士始嘉靖中有詔官曾子裔孫質粹爲博
士傳子至孫承業貧且盲宗人有豪黠者上書
爭襲已嗣官矣承業父子號而行乞力不能自
白公爲奏狀奪而還諸承業人心快之方公爲
都諫賈公亦都戶科公擢太僕少卿賈公爲太
常少卿兩公姻婭也而戊辰官金紫近列始於
兩公吾郡因稱盛矣後二年丁丑公以內艱歸
服闋詣闕有人附離政府能爲仕媒使客風公
公曰仕止有命卽勉事之不過得吾故物而整

折以承時貴乃失故吾因上書稱目病不能待
次請賜告歸遂不復出江陵卽世其人伏法臺
諫上疏言公受抑狀下主爵議旦夕且有詔召
而公以不起聞矣夫死生乃不可必何論仕止
公之言有命信也公爲人端凝沉毅儀觀甚修
事無難易精核持重不肯輕發接人盎然和粹
一見如舊而中有畛域未嘗妄交其在諫垣所
指陳當否咸中肯綮而不欲顯有所出蓋老成
有度之十也生嘉靖丙戌十月十八日卒萬曆

殷墟山館文集卷之二十五

十四

乙酉三月四日享年六十歲配高氏封孺人子
男五浙淳潯皆邑廩生溥太學潤邑諸生女一
孫男五女九于生曰璫丘蓋魯故封云自漢儒
江公以春秋顯子孫皆有儒術近代遂無著者
劉公才猷器識雖未盡其用然所論議錯施暴
於天下稱其經學矣豈公之後將復如江公邪
方權貴隆盛士惟不得其門而龍蛻鶴舉以翔
寥廓毅哉公於出處之際也與世之銳於進者
異乎哉銘曰 人之生也如偶而機與接日新

其化也如縣而解休於無垠一出入孰知其
門如電曄曄一瞬而滅如露瀼瀼晞彼春陽嗟
乎此吾友劉公之歲

明故太中大夫陝西布政使司左叅政壽
峰趙公墓碑銘

陝西叅政趙公以萬曆甲午九月二十二日卒
於里第卜兆城西山麓明年三月二十四日卽
宮幽壤壙有誌矣其孤民化民表等以方岳三
品法當立碑復謁予銘予辱從公同舉邑里密

殷墟山館文集卷之二十五

十五

邇邇從甚數知其平生謹表其大者曰趙公諱
雲翔字元舉壽峰其別號也自上世爲平陰人
居城西龍橋代有隱德父諱廷寶累贈陝西按
察副使母蘇氏累封太恭人凡有四子而公爲
長公生而迥秀不羣績學工文號爲雋士隆慶
丁卯舉山東省試明年戊辰第進士授直隸文
安知縣視事踰年察能改調遷安威惠流聞課
最左輔召入爲戶部主事司推許墅監兌湖湘
皆以賢聞復改兵部歷武選職方郎中贊襄樞

畫事有成法大司馬倚重焉擢拜陝西按察副使兵備榆林治餉理戎軍聲大振三年秋滿晉本省左叅政脩兵如故以太夫人年高疏求歸養撫臺梅公固留不可會丙戌大計言路有忌公者臨期竄入其各有詔賜罷而公已解組歸矣制府邵公聞之大憤曰以趙君之賢中考功何等法也疏訟其冤詔下按臺核狀未報而朔方兵起廷諸大夫將以邊才薦用而公病困遂不起矣公爲人魁岸豁達豐下甚髯舉止濶大

穀城山館文集卷之十五

十六

七

不爲小文雅善談說捧腹揮塵雜以諧謔終夜不休有味乎其言之也論事當成敗與邊國大計咸如燭照風猷揮霍機鋒神敏事無難易迎刃而解人所感頌一咲有餘蓋大豪也其在文安築隄障水民不爲灾嚴脩察奸寇宄遠迹邑多中貴操縱失宜舉能梗化公一切解去邊幅接以恩禮而法紀明肅無所假貸中貴感且畏之無敢以私干者遷安地近制府在遼薊之中徵發送迎急如星火而公從容辦治如取如携

民弗聞也時奉檄行視塞上利病及將吏功罪核報如法奸慝無隱而未嘗馬怙作威有所侵冤故上下信焉其在上郡套虜挾邊尉以請願得受賜如代雲中邊尉無以難也公聞狀即詣塞外召諸酋長諭以威德使奉初約酋長噤不敢對受職如故一軍壯之其居家庭孝友嫺睦門庭諄然田產貲財若無常主三弟居積溫厚幾與公等其處鄉曲降顏析節不作貴態故人父老握手道舊歡如平生人亦忘其貴也夫其

穀城山館文集卷之十五

十七

八

韞藉識畧風采行誼卓然一代之英而不究其施且以中壽沒焉天道何耶平陰爲岱西奧邑山川完密風俗淳美二三大夫皆以名德著聞而位不大顯咸調蓄極而發所鍾必厚故吾於公有深望焉乃亦若此止焉何邪銘曰維岱之壤維濟之壩是爲士藪公生其間允也趙公如川如嶽器博以弘材長而卓公之受經摘藻燁然同遊避舍者宿稱賢公之試吏邑於左輔政號循良譽兼文武公之在朝爲代珪璋左右

璇樞九伐用彰公之在邊爲國鎖鑰芒掃機槍
塵清朔漠勳績既茂將大厥施人之無良俾阨
於時國步多艱將召而復天之無厚倏殲其祿
赫赫牧伯疇曰匪庸疇睹耆艾疇曰無齡世所
不足厥才未究公所有餘厥祉孔厚鸞停鵠峙
翩其蒲堂恢家濟美且熾而昌城西之原枕山
臨壑扶輿鬱葱惟公所樂馬鬣旣築龍章是鐫
歿而不亡於此萬年

明故朝議大夫山東都轉運鹽使司同知

穀城山館文集卷之二十五

十八

管兗州府河工事念山蔣公墓碑銘

萬曆乙未八月行方避客山中門人宜興蔣生
苴杖來謁再拜請曰先大夫待罪貴邦幸而歸
老不獲邀靈於天及於大故座師太宰蔡公銘
其壙石惟是平生政業半在先生之里過而賜
之一言以丹麗牲之楹豈非藐孤是爲將東土
士庶與有榮懷再拜而泣蓋生之來二千餘里
矣感其孝思辭復何忍乃據張文學狀著其大
者云蔣公諱士元字君弼別號念山漢山亭侯

穀城山館文集卷之二十五

十九

州學正安福鄒公時爲分守重其學行亟稱許
之旁郡諸生負笈從遊屢蒲戶外湖湘之間有
共師矣無何遷直隸新樂知縣撫臺立峰孫公
品爲赤縣最擢知薊州三年考績稍遷濟南府
同知用執法雪冤與巡道相左上記乞休兩臺
惜其才行特請於朝加秩運司同知領兗州河
事駐節單父居一歲子舉京兆公求歸益力請
至六七兩臺度不可留始爲具奏以所居官致
仕歸而閉閣著述遨遊溪山雅自適也里居九

年萬曆甲午三月二十三日終於正寢距生嘉靖癸未閏四月十六日得壽七十有二嗚呼可謂完名脩福令德考終者矣公爲人雋爽有致器用過人居家孝友慈和內行醇備出而試吏用廉平節約拊循吏民除其疾苦蓋古循良法也其在新樂以地直孔道省減煩文財損厨傳履畝定稅賦藉以平縣南沙河冬涸不舟賦民財以梁其修百丈及春而徹之材入於官及冬而復欽之公至閔焉乃以故財貸民冬取其償

數城山館文集卷之十五

二十

正

不復更派歲省可數百金縣城舊以版築疏而善潰議以甃憚之公曰不然庾有紅腐可貸而役城有錯薪可斬以陶何不賞也如畫而城成其在薊州墾並塞甌脫招撫流亡亭平徭賦一切以丁田差地卽大璫貴族無所假借而中人以下皆得自保矣境內有渠轉漕餉邊時或決塞費且千萬更歲月不就丁丑復決公乃畫表裏兩治之策繕治堤防二百十有四里別開支渠二十有五里會於下流以殺水勢發丁夫千

人自食其力兩月而竣筦庫不聞也貴戚官田三百餘頃與民田錯壤奏請以瘠易腴公持不可曰幸爲國家牧養元元終不忍奪其所生以奉時貴竟以故田予之其在濟南會有括田之令巡行十七郡邑身履溝塍問民所便制其盈縮歷下豪民多以名田自占無敢欺隱濟東有白雲湖故爲德府湯沐並畜多侵民田又不入賦賦加於民公爲正其封壤以田還民又除民間浮糧八百餘頃齊民大歡王家後土書訟藩

數城山館文集卷之十五

二十一

也

司風公政圖公執不可卒如初議郡有騎寇奔突屬邑騷動公居中制畫殲其渠魁寇平口不言功時論多之其在單父表太行縷水二堤西起曹單東抵豐沛延袤四百餘里堤之內外多爲陂堰以蓄泄水費省而工堅迄爲水利故事防河徃卒暑雨輟工官收其直公曰徃卒遠者或數百里雨而奪其直將使安之乃今自春至冬日給稍稟晴治畚耨雨治埽具閒則樵采於澤以儲椿簣終歲食官河隄有脩矣嘗攝邑篆

改行條編法以均賦役民無煩費至今便之在
官十有六年受策命者再薦書十有五勞書七
十有一保留書六又嘗以行視邊功受賜金幣
尤長吏所少云每去一官吏民號泣遮道生爲
立祠刊石頌德濟堯士民聞公之沒皆將請諸
部使討食學宮可以觀政矣元配儲氏累封宜
人相德宜家恪有內範子男三弘惠弘恩弘憲
以春秋高第舉應天乙酉鄉試材僦士也女二
孫男女各七婚姻姓氏詳具誌中以某年月葬

穀城山館文集卷之十五

二十二

仲

於祖兆東南玉臺山下公所卜也銘曰 周公
之支以國爲族建侯於漢璿源載爰臻有宋
家聲允穆爲相爲公彌光世服濟美垂裕以逮
于公才資僞邁學韞淵洪在文稱匠於儒爲宗
基德旣固効用彌崇厥德伊何溫其豈弟有懷
二人友於同氣尤家以恭睦宗以義貞白之風
光於奕世厥用伊何維民之主聲施燕趙政成
齊魯旣介以和允文且武匪兢匪隸不茹不吐
衆所共避公甘如飴衆所共趨公棄如遺道微

於古迹睽於時居有謳吟去有慕思理究虧盈
數操倚伏不足者遇有餘者福完名而歸壽考
以復爰啟嗣賢前徽是躅公遊何之維桐之鄉
公歸安處維玉之陽封若負斧翼以奎章宰如
墳如終安且藏昊衷佑仁坤靈協吉俾熾而昌
無疆維錫圖芳擢美載諸樂石君子之藏過者
必式

明誥贈通議大夫河南按察司按察使臨

溪王公合葬墓碑銘

穀城山館文集卷之十五

二十二

三

蓋余與濟南王中丞遊雅相慕也余歸田且一
紀而中丞亦以榆林開府洗沐還里雅相聞也
忽一日命駕二百里以孫德璋自扶肅衣冠及
門布幣而拜曰非有謁於子固不出閫矧其有
境外之行不肖孤少而失吾父母也時甫爲諸
生耳又二十年而始徵一第以南陽府推官奏
績贈父文林郎如孤官母爲孺人又若干年而
以刑部主事遇國慶贈父承德郎如孤官母爲
安人又若干年而以開封府知府奏績贈父中